



БУЛГАН АЙМГИЙН ЗАСАГ ДАРГЫН ЗАХИРАМЖ

2021 оны 08 сарын 07 өдөр

Дугаар 4/151

Булган сум

Гүйцэтгэгчтэй гэрээ шууд байгуулах эрх олгох тухай

Барилгын тухай хуулийн 35 дугаар зүйлийн 35.1.2, Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хуулийн 8 дугаар зүйлийн 8.1.2 дахь заалт, Барилга, хот байгуулалтын сайдын 2020 оны 06 дугаар сарын 10-ны өдрийн 108 дугаар тушаалын хавсралт “Зураг төслийн ажлын жишиг үнэ” /БД 81-16-20/-ийг тус тус үндэслэн ЗАХИРАМЖЛАХ нь:

1. Булган аймгийн Сайхан сумын төвд баригдаж буй үерийн хамгаалалтын суваг 4-ийг гүйцэтгэж байх үед (2021 оны 06-р сарын 28-ны өдөр) тус суманд байгалийн гамшигт үзэгдэл болсонтой холбогдуулан тухайн байгууламжийн трасст нэмэлт ажил бий болсон тул зураг төслийг “Цэгц бэрс” ХХК-тай 4 000 000 (дөрвөн сая) төгрөгөөр, зураг төсөл боловсруулахтай холбоотой инженер геодезийн зураглал боловсруулах ажлыг “Би Би Кэй Эйч” ХХК-тай 1 500 000 (Нэг сая таван зуун мянга) төгрөгөөр шууд гэрээ байгуулах эрхийг Газрын харилцаа, барилга хот байгуулалтын газрын дарга (Г.Ганбаатар)-д олгосугай.

2. Булган аймгийн Сайхан сумын төвд баригдаж буй үерийн хамгаалалтын суваг-4-ийн нэмэлт ажлын зураг төслийг гэрээнд заасан хугацаанд чанартай гүйцэтгэж хүлээлгэн өгөхийг “Цэгц бэрс” ХХК (Л.Лхагвасүрэн)-д, зураг төсөл боловсруулахтай холбоотой инженер геодезийн зураглал боловсруулах ажлыг “Би Би Кэй Эйч” ХХК (С.Нямдорж)-д тус тус даалгасугай.

3. Гэрээнд заагдсан санхүүжилтийг 2022 оны тухайн төсөл арга хэмжээний батлагдсан хөрөнгө оруулалтаас санхүүжүүлэх ажлыг зохион байгуулахыг Газрын харилцаа, барилга хот байгуулалтын газрын дарга (Г.Ганбаатар)-д зөвшөөрсүгэй.

4. Уг зураг төслийн ажлыг гэрээнд заагдсан хугацаанд чанартай гүйцэтгүүлж, хүлээн авахыг Газрын харилцаа, барилга хот байгуулалтын газрын дарга (Г.Ганбаатар)-д үүрэг болгосугай.

ЗАСАГ ДАРГА

Б.АРИУН-ЭРДЭНЭ



6338200106